

ZAPISNIK

Sa 4-te vanredne sjednice Skupštine Bosansko-podrinjskog kantona Goražde održane 7. decembra 2009. godine u sali Skupštine Bosansko-podrinjskog kantona Goražde sa početkom u 10:00 sati.

Sjednici Skupštine Bosansko-podrinjskog kantona Goražde prisustvuje 21 poslanik, i to: poslanici Stranke demokratske akcije: Begović Alija, Tafro Hasan, Mulahmetović Mirsad, Halilović Adis, Ferhatović Jasmin, Obuća Bajro, Agović Adis i Borović Mensud, poslanici Stranke za Bosnu i Hercegovinu: Turčalo Mehmed, Adžem Memsur, Žuga Damir, Kumro Mesud, Omerbašić Jasmina, Podrug Salko i Džemidžić Envera, poslanici Socijaldemokratske partije Bosne i Hercegovine: Bašić Redžo, Mujković Dževida, Frašto Emir, Imamović Ibrahim i Bilić Dragomir i poslanik Bosanskohercegovačke patriotske stranke – Sefer Halilović Terović Dževad.

Sa sjednice odsutan poslanik Stranke demokratske akcije Đozo Hasan, poslanik Stranke za Bosnu i Hercegovinu: Rahman Ferid, poslanik Socijaldemokratske partije Bosne i Hercegovine Kožo Mersudin i poslanica Stranke za boljitak Milović Daliborka.

Pored poslanika Skupštine Bosansko-podrinjskog kantona Goražde sjednici prisustvuju: Sekretar Skupštine Bosansko-podrinjskog kantona Goražde Bašić Midhat, sekretar Vlade Bosansko-podrinjskog kantona Goražde Sijerčić Emir, ministri u Vladi Bosansko-podrinjskog kantona Goražde: Pleh Muhidin, Nedimović Vladimir, Janković Radmila, Sipović Nusret, Adžem Dževad, Delizaimović Alma, Imamović Demir i Kurtović Mustafa, predstavnici Njemačkog LOT tima, direktor Kantonalne bolnice Goražde Jahić Fadil, predsjednik Upravnog odbora Kantonalne bolnice Goražde Prutina Asim, direktorica Doma zdravlja Goražde Gušo Sabina, direktor Doma zdravlja Pale-Prača Žigović Medo, direktor Doma zdravlja Foča-Ustikolina Elijas Mohamed, direktor Zavoda za javno zdravstvo BPK-a Goražde Jahić Ibrahim, Omeragić Ismet predstavnik Ministarstva za privredu, predstavnik Ministarstva za zdravstvo, socijalnu politiku i raseljena lica Hadžić Muhamed, uposlenici J.P. RTV BPK-a Goražde, te predstavnici sredstava javnog informisanja.

Skupštinom Bosansko-podrinjskog kantona Goražde predsjedava predsjedavajući Skupštine Alija Begović, a zapisnik vodi Burhan Safeta.

Begović Alija – predsjedavajući Skupštine

Današnja vanredna sjednica Skupštine sazvana je na osnovu inicijative 9 poslanika u Skupštini Bosansko-podrinjskog kantona Goražde kako bi dobili informaciju o poduzetim preventivnim mjerama s ciljem sprečavanja širenja virusa H1N1.

Po članu 57. Poslovnika Skupštine Bosansko-podrinjskog kantona Goražde regulisano je da: „Izuzetno, u okolnostima opasnosti po javnu sigurnost i sigurnost građana širih razmjera, elementarnih nepogoda, velikih šteta za imovinu, epidemija, hitnih slučajeva i slično, predsjedavajući Skupštine može da sazove vanrednu sjednicu Skupštine u kraćim rokovima od onih predviđenih ovim Poslovníkom, a dnevni red za ovu sjednicu predlaže se na samoj sjednici, koja je hitnog karaktera.

Kolegij Skupštine Bosansko-podrinjskog kantona Goražde za današnju sjednicu predložio je slijedeći:

Dnevni red

1/ Informacija o trenutnom stanju i poduzetima preventivnim mjerama s ciljem sprečavanja širenja virusa H1N1.

Begović Alija – predsjedavajući Skupštine

Otvaram raspravu po dnevnom redu. Da li neko želi predložiti izmjenu ili dopunu dnevnog reda.

Upoznat ću Skupštinu Bosansko-podrinjskog kantona Goražde da sjednici prisustvuju uposlenici J.P. RTV BPK-a Goražde koji su najavili proteste ispred zgrade Vlade i Skupštine Bosansko-podrinjskog kantona Goražde. Sindikalna organizacija J.P. RTV BPK-a Goražde uputila je dopis kojim nas podsjećaju na težak materijalni položaj uposlenika. U vezi sa štrajkom traže da se omogući njihovo prisustvo na današnjoj sjednici i da se u okviru današnje sjednice raspravi o stanju u ovom Javnom preduzeću.

U ime Kolegija Skupštine Bosansko-podrinjskog kantona Goražde reći ću da smo mi dobili dopis od Sindikalne organizacije i Menadžmenta J.P. RTV BPK-a Goražde i da smo na toj sjednici koja je održana prije 6-7 dana, ocijenili, u vezi sa štrajkom, da su instiuacije koje su predviđene Zakonom o štrajku dužne provesti određena uskladjivanja, rasprave, pokušati usaglasiti itd. i ocijenili smo da Skupština nije u ovom trenutku obavezna niti ima mogućnosti da obavi kvalitetnu raspravu dakle, dok se te procedure u vezi sa štrajkom ne obave na razini onih koje su predviđene Zakonom. Mi ni do danas nismo dobili nikakvu pisanu informaciju o tome u kojoj fazi su ti pregovori. Službeni predlagač materijala može biti Vlada Bosansko-podrinjskog kantona Goražde, ili poslanici i zato vas molim da se očitujete o ovome stavu, ima li potrebe i da li smatrate da se na današnjoj sjednici može raspravljati o ovom pitanju.

U diskusiji, po prijedlogu dnevnog reda, učestvovao je Turčalo Mehmed.

Begović Alija – predsjedavajući Skupštine

Pošto se niko više ne javlja za riječ, zaključujem raspravu i pozivam poslanike da se izjasnimo za predloženi dnevni red.

Ko je za, molim, da digne ruku? /21 poslanik/

Ima li neko protiv? /Niko/

Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 21 glasom „za“ usvojila predloženi dnevni red.

Tačka 1.-

Prelazimo na 1-vu tačku dnevnog reda: Informacija o trenutnom stanju i poduzetima preventivnim mjerama s ciljem sprečavanja širenja virusa H1N1.

Turčalo Mehmed – obrazložio je inicijativu poslanika za sazivanje vanredne sjednice Skupštine Bosansko-podrinjskog kantona Goražde.

/Na sjednicu došla poslanica Milović Daliborka. Sjednici prisustvuje 22 poslanika/

U diskusiji po Informaciji o trenutnom stanju i poduzetima preventivnim mjerama s ciljem sprečavanja širenja virusa H1N1, učestvovali su: Ferhatović Jasmin, Žuga Damir, Imamović Demir ministar za zdravstvo, socijalnu politiku i raseljena lica, Jahić Ibrahim direktor Kantonalnog zavoda za javno zdravstvo, Begović Alija predsjedavajući Skupštine, Mulahmetović Mirsad, Džemidžić Envera, Adžem Memsur, Gušo Sabina direktor Doma zdravlja Goražde, Žigović Medo direktor Doma zdravlja Pale-Prača, Jahić Fadil direktor Kantonalne bolnice Goražde, Prutina Asim predsjednik Upravnog odbora Kantonalne bolnice Goražde i Kumro Mesud.

Žuga Damir i Adžem Memsur predložili su zaključke o kojima se Skupština nije izjašnjavala. Žuga Damir je zatražio da se njegovi zaključci dostave Timu za pripravnost u slučaju proglašenja pandemije.

Begović Alija – predsjedavajući Skupštine

Pošto se niko više ne javlja za riječ zaključujem raspravu po Informaciji o trenutnom stanju i poduzetima preventivnim mjerama s ciljem sprečavanja širenja virusa H1N1 i predlažem da Skupština donese slijedeći zaključak:

Skupština Bosansko-podrinjskog kantona Goražde poziva sve institucije koje su nadležne za praćenje, prevenciju i liječenje virusa gripe H1N1 da svoje aktivnosti ažuriraju i aktiviraju i da punu pažnju posvete ovom problemu, imajući u vidu sve prijedloge iznesene na sjednici Skupštine Bosansko-podrinjskog kantona Goražde u očekivanju da bi se sa tim i takvim prijedlozima stanje u prevenciji i liječenju još više moglo i trebalo popraviti na području Bosansko-podrinjskog kantona Goražde.

Traži se od ministra za zdravstvo, socijalnu politiku i raseljena lica u Vladi Bosansko-podrinjskog kantona Goražde da redovno informiše Skupštinu Bosansko-podrinjskog kantona Goražde Ministarstva za o broju slučajeva oboljelih od virusa H1N1 i o poduzetim mjerama, tako da Skupština Bosansko-podrinjskog kantona Goražde, u slučaju potrebe može raspraviti ovo pitanje.

/Sjednici prisustvuje 19 poslanika/

Ko je za ovakav zaključak, molim, da digne ruku? /17 poslanika/

Ima li neko protiv? /Niko/

Da li se neko uzdržao od glasanja? /2 poslanika/

Konstatiram da je Skupština Bosansko-podrinjskog kantona Goražde sa 17 glasova „za“ i 2 „uzdržana glasa, donijela slijedeći:

Z a k l j u č a k

Skupština Bosansko-podrinjskog kantona Goražde poziva sve institucije koje su nadležne za praćenje, prevenciju i liječenje virusa gripe H1N1 da svoje aktivnosti ažuriraju i aktiviraju i da punu pažnju posvete ovom problemu, imajući u vidu sve prijedloge iznesene na sjednici Skupštine Bosansko-podrinjskog kantona Goražde u očekivanju da bi se sa tim i takvim prijedlozima stanje u prevenciji i liječenju još više moglo i trebalo popraviti na području Bosansko-podrinjskog kantona Goražde.

Traži se od ministra za zdravstvo, socijalnu politiku i raseljena lica u Vladi Bosansko-podrinjskog kantona Goražde da redovno informiše Skupštinu Bosansko-podrinjskog kantona Goražde o broju slučajeva oboljelih od virusa H1N1 i o poduzetim mjerama, tako da Skupština Bosansko-podrinjskog kantona Goražde u slučaju potrebe može raspraviti ovo pitanje.

Pošto je dnevni red iscrpljen predsjedavajući Skupštine zaključio je 4-tu vanrednu sjednicu u 12,05 sati.

SEKRETAR SKUPŠTINE

Bašić Midhat

PREDSJEDAVALJUĆI SKUPŠTINE

Begović Alija

Bosna i Hercegovina
Federacija Bosne i Hercegovine
Bosansko-podrinjski kanton Goražde
Skupština Bosansko-podrinjskog
kantona Goražde

Broj: _____/09
Goražde, 7. decembra 2009. godine

Skupština Bosansko-podrinjskog kantona Goražde, na 4-toj vanrednoj sjednici održanoj 7. decembra 2009. godine razmatrala je Informaciju o trenutnom stanju i poduzetima preventivnim mjerama s ciljem sprečavanja širenja virusa H1N1, pa je nakon provedene rasprave, donijela slijedeći:

Z a k l j u č a k

Skupština Bosansko-podrinjskog kantona Goražde poziva sve institucije koje su nadležne za praćenje, prevenciju i liječenje virusa gripe H1N1 da svoje aktivnosti ažuriraju i aktiviraju i da punu pažnju posvete ovom problemu, imajući u vidu sve prijedloge iznesene na sjednici Skupštine Bosansko-podrinjskog kantona Goražde u očekivanju da bi se sa tim i takvim prijedlozima stanje u prevenciji i liječenju još više moglo i trebalo popraviti na području Bosansko-podrinjskog kantona Goražde.

Traži se od ministra za zdravstvo, socijalnu politiku i raseljena lica u Vladi Bosansko-podrinjskog kantona Goražde da redovno informiše Skupštinu Bosansko-podrinjskog kantona Goražde o broju slučajeva oboljelih od virusa H1N1 i o poduzetim mjerama, tako da Skupština Bosansko-podrinjskog kantona Goražde u slučaju potrebe može raspraviti ovo pitanje.

DOSTAVLJENO:

- 1/ Vladi BPK-a Goražde,
- 2/ Ministarstvu za zdravstvo, socijalnu politiku i raseljena lica BPK-a Goražde,
- 3/ Kantonalna bolnica Goražde,
- 4/ Dom zdravlja Goražde,
- 5/ Dom zdravlja Foča-Ustikolina,
- 6/ Dom zdravlja Pale-Prača,
- 7/ Zavod za javno zdravstvo BPK-a Goražde,
- 8/ a/a.-

PREDSJEDAVAJUĆI SKUPŠTINE

Begović Alija